

BENE DICTVS PP. XVI

ad perpetuam rei memoriam.

✧ *Infirma mundi elegit Deus,
ut confundat fortia ✧ 1 Cor 1, 27.
Nihili prorsus saeculi ducens va-
nitates Venerabilis Dei Serva
Elias a Sancto Clemente,
nata scilicet Theodora Fracasso, ex
Christi amore viam humilitatis sua
sponte percucurrit necnon abscon-
ditae vitae totiusque sui ipsius de-
nudationis, Jesum Christum ut in-*

dueret cui semet veluti sponsam obtu-
lit et victimam. Haec Carmeli filia die
XVII Ianuarii mensis Barii est orta an-
no MDCCCCI Christiana e domo ac-
paupere. Institutionis elementa pri-
mā percepit apud Sorores a Stigmate.
Cum vero primum potuit, paroeciae vi-
tam coepit sedulā participare atque
catechismum tradere tum domi etiam
suas amicas conglobare simul ut pias
agerent meditationes et preces cōiunc-
tim. Matri interea auxiliabatur coti-
dianis in domus procurandis negotiis,
dum parva eodem tempore munera ex-
plebat unde aliquid familiae suae con-
ferret sustentandae. Tertium Sancti
Dominici Ordinem anno MDCCCXIV
est ingressa ubi postero anno vota est re-
ligiosa professā. Saeviente primo bello
universali apostolatus operam et auxi-
lii prosequēbatur ipsis pro militibus qui

paroeciam adibant a sodalibus Domini-
canis administratam. Mense dein A-
prili anni MDCCCXX Teresianum intra-
vit Carmelum sub nomine Sancti Jose-
phi in urbe Barensi ubi die IV Decem-
bris anno MDCCCXXI simplicia nuncu-
pavit vota seseque amoris victimam Jesu
Eucharistico devovit. Officium docendi
recepit artem acu pingendi in domui-
suae continguo instituto. Matrem erga
alumnas se praebens omnia hortabatur
ut quam optime ad Domino reddendam
gloriam peragerent. Munere autem e-
ducandi sibi adempto illud quoque pa-
tienter pertulit incommodum et oboedien-
tiae affectu. Votum exinde die VIII Decem-
bris pronuntiavit ~ rei semper perfec-
tioris ~ anno MDCCCXXIV, victimam
pariter misericordis offerens se amoris.
Sollemnem denique professionem die XI
mensis Februarii anno MDCCCXXV pe-

regit exemplum sectata Sanctae Tere-
siae a Jesu Infante. Omnibus quidem
viribus suis sanctitatem affectabat in
Dei ipsius gloriam hominumque salu-
tem. Prius etiam quam est in Carmelum
ingressa, ipsius vita Domini perpetua
distinguebatur praesentia. Totam enim
illi sese consecrans maiorem usque quae-
rebat Divino cum Redemptore coniunc-
tionem quem fideliter devoteque dilige-
bat. Omnibus autem ut in rebus eidem
probaretur, docilis eius adhaerescere
ad voluntatem cuius proinde servabat
mandata et propagando Regno verbis
factisque consulebat. Omnium simul vir-
tutum adsidua et laeta consuetudine
socias suas confirmabat sorores necnon
Carmelitanae regulae observatione. Fi-
de quidem solida fulciente, veritatibus
credebat firmiter revelatis suamque spi-
ritalem alebat vitam de Eucharistia,

quam cotidie ab iuventute excipiebat,
tum etiam de precatione ac lectione Sa-
crarumque ponderatione Litterarum et
postremo de Virginis Mariae cultu ac
sanctorum Carmeli. Precabatur et sa-
crificia pro peccatorum conversione offe-
rebat sibi nempe persuadens velle Domi-
num animas se ad illum perducere haud
mirificis operibus verum absoluta sui ip-
sius immolatione. Sodales erga sorores
comem se facilemque praestabat et omnes
quotquot ipsi adversabantur amanter
omnino tractabat. Aptiora prudenter
desigebat instrumenta propriam in sanc-
tificationem semperque rectiora. Magna-
nima confligebat cum gravioribus morbis
et iniuriis amaris. Traditionis Carmeli
paenitentias proprias exercebat, cum omni
esset in re simplex atque humilis. Christum
pauperem mirabiliter imitabatur castum-
que et oboedientem consilia evangelica qua-

si in exemplum custodiens. Jam anno MD-
CCCCXVI signa aegritudinis illius osten-
debat brevi tempore quae eam erat ad mor-
tem propulsura. Talem doloris condicio-
nem serena pertulit, quin immo usurpa-
vit dolorem unde impensius Christi se pos-
set coniungere cum Passione semper cae-
lestium bonorum expectatione suffulta;
dicebat namque: ~ Per Carmelum trans-
eo, at caelum mihi patria est ~, quod vi-
delicet die XXV Decembris mensis attigit
anno MDCCCXVII. Ob Propagatam
sanctimoniae famam anno MDCCCLIII
Barensis archiepiscopus beatificationis
causam instituit atque canonizationis
Processu Ordinario perficiendo. Ad
legem singulis convenienter expletis ne-
cessariis rebus prodierunt decreta co-
ram venerato Decessore Nostro Ioan-
ne Paulo Secundo super heroicis eius
virtutibus die XI nempe Decembris MD-

CCCCXXXVI superque miraculo legiti-
me a peritis sine dubitatione ulla com-
probato mensis Decembris die XIX anno
MMV. Ritus propterea beatificationis
constituimus ut Barii die XVIII Martii
contingeret anno MMVI. Hodie idcirco
Barii Nostro de mandato Cardinalis
Iosephus Saraiva Martins Praefec-
tus De Causis Sanctorum Venerabilis
Frater Noster Apostolicas Nostras
perlegit Litteras quibus Nos in Bea-
tarum album adscribimus Venerabilem
Servam Dei Esiam a Sancto Clemente:
Nos vota Fratris Nostri Fran-
cisci Cacucci Archiepiscopi Ba-
rensis - Bituntini necnon pluri-
morum aliorum Fratrum in Epi-
scopatu multorumque christifide-
lium explentes, ex Congregationis
de Causis Sanctorum sententia, auc-
toritate Nostra Apostolica facul-

tatem facimus ut Venerabilis Ser-
va Dei Elias a Sancto Clemente,
virgo ex Ordine Monialium Dis-
cālceatarum Beatissimae Ma-
riae Virginis de Monte Carmelo,
quae suam contemplativam vitam
Christi ex amore Ecclesiae ipsius
ministerio devovit, Beatae nomine
in posterum nuncupetur eiusque
festum die undetricesima Maii in
locis et modis iure statutis celebrari
quotannis possit. In nomine Patris
et Filii et Spiritus Sancti. Nec dubi-
tabamus procul Nos quin hic novus
Carmelitanae Familiae decor honor-
que plurimum quidem christianis ubi-
que profuturus moribus esset nec non
exemplo vitae posthac diu mansurus
ipsius imitatoribus. Itaque, quod su-
pra decrevimus maturo consilio liben-
tique voluntate volumus profecto et

nunc et in posterum tempus vim omnem habere, contrariis rebus nequaquam quibuslibet officientibus. Datum Romae apud Sanctum Petrum sub anulo Piscatoris die XVIII Martii mensis anno Domini MMVI, Pontificatus Nostri primo.

De mandato Summi Pontificis

+ Angelus Card. Sodano

